

MAMAN, JE VIENS A TOI.

Ninge, ki nansikon,
Ki ia8 nind apenimon :
Ka8in an8eta8ieiken
8a pagoseuiminan.

Ni nidjanis, ki minuoton
8ekingin epitenimin ;
Ang8amisin, ki ga minin
Nongom pa nandotama8in.

Ninge, ki kikenim
Eji kotakitoiân ;
P8ana8itomagat nindeh
Kitci aiamiaiân.

Ni nidjanis, ang8amisin,
Ka8ikat cag8enimoken ;
Nin, ki ga gaganotamon
Kitci ca8enimik Jezos.

Mig8etc, mig8etc, ninge,
Ki g8ina8i nakomin

Epitc nita ca8enimin
Nin neta patatiân.

Kicpin tabasenindizon,
Kakik ki ga ca8enimin,
Kakik 8enidjanisingin
Ki ga toton, ni nidjanis.

Tci sakihak Jezos,
Ninge, inenimicin.
Jezos kekona sakihak
Enigokoteheiân !

Eji misa8enindamân
Kata ino, ni nidjanis :
8idji8en Jezos o tehing
I mama8andjihiti8etc.

Oh, mi ke 8i tiiân,
O Mani 8ekiminan !
Kekona sakihintc Jezos
Enigok8akamigak !

RARE BEAUTÉ, PERLE SANS PRIX.

Mani-Maganit Anakok
8ecki kitcit8a8enindagosin ;
Ki ki totâg nanomaie
Meia-aiamie-gana8abitc :
Nongom kit inda gaie kin
Endatci8etc ketcit8a8isidjik.

Song kit anamikonimin,
Ki 8i kitcit8a8eniminimin ;
Mig8etc nind inenimanan
Meia-aiamie-gana8abitc
I ki na8anja8enimik
Aking kitci kitcit8a8ihigon.